

舊

唐

書

九

唐書志卷第十一

唐書志卷第十一

音

音

音

音

音

音

劉

响

音

音樂四

享太廟樂章十三首

貞觀中魏徵
褚亮等作

迎神用永和

黃鍾宮三成大呂角二成太簇
成應鍾羽二成惣九變同用

於穆烈祖弘此丕基永言配命子孫保之百神既洽萬國在茲是用孝享神其格思

皇帝行用太和

詞同冬
至圓丘

登歌酌鬯用肅和

文鍾均之
黃鍾用

大哉至德允茲明聖格于上下聿遵誠敬喜樂斯登鳴球以詠神其降止式隆景命

迎俎用雍和

崇茲享祀誠敬兼至樂以感靈禮以昭事粢盛咸潔牲牲孔備永言孝思庶幾不匱

皇祖宣簡公酌獻用長發無射

睿哲惟唐長發其祥帝命斯祐王業克昌配天載德就日重光本

枝百代申錫無疆

皇祖懿王酌獻用長發同前詞

太祖景皇帝酌獻用大基太簇

猗歟祖業皇矣帝先翦商德厚封唐慶延在姬猶稷方晉踰宣甚

我鼎運於斯萬年

世祖元皇帝酌獻用大成姑洗

周穆王季晉美帝文明明德穆穆齊芬藏用四履屈道參分鏗

鏘鍾石載紀煇勳

高祖大武皇帝酌獻用大明蕤賓

五紀東運三正外勳著於禹湯勃興神武命代靈瞻是膺望

雲影德業維告徵上紐天維地軸地軸徵師涿野萬國咸服偃伯

禮堂先官孔聖殊域委書懷生介福大禮既飾大樂已和黑章擾

圉赤字浮河功宜載籍德被詠歌克昌厥後百祿是荷

皇帝飲福用壽和

八音斯奏三獻畢陳寶祚惟永暉光日新

送文舞出迎武舞入用舒和

聖謨通神光七廟靈心薦祚和萬方嚴禋克配鴻基遠明德惟馨

鳳曆昌

武舞用凱安

詞同冬至圓丘

徹俎用雍和

於穆清廟聿修嚴祀四縣載陳三獻斯止籩豆徹薦人祇介祉神惟格思錫祚不已

送神用永和

肅肅清祀蒸蒸孝思薦享昭備虔恭在茲雍歌徹俎祝嘏陳辭用

光武至永固鴻基

又享太廟樂章五首

永徽已後續撰不詳撰者

太宗文皇帝酌獻用崇德

夷則宮永徽元年造

五運改卜千齡啓聖彤雲曉聚黃星夜映葉闡珠囊基開玉鏡後
關下臨萬寓上齊七政霧開三象塵清九服海濂星暉遠安邇肅
天地交泰華夷輯睦翔泳歸仁中外禔福績踰黜夏勳高前商武
陳七德刑設三章祥禽巢閣仁獸遊梁十年惟永景福無疆

高宗天皇帝酌獻用鈞天

黃鍾宮光宅元年造

承天撫錄纂聖登皇遐清萬寓仰協三光功成日用道濟時康琬
圖載永寶曆斯昌日月揚暉煙雲爛色河岳修貢神祇效職舜風
攸偃堯曦先就睿感通寰孝思浹宙奉揚先德虔遵曩狩展義
天局飛英雲岫化逸王表神凝帝先乘雲厭俗馭日登玄

中宗孝和皇帝酌獻用太和

太簇宮景雲元年造

廣樂旣備嘉薦旣新述先惟德孝饗惟親七獻具舉五齊畢陳
錫茲祚福於萬斯春

睿宗大聖真皇帝酌獻用景雲

黃鍾宮開元四年造

惟睿作聖惟聖登皇精感耀魄時膺會昌舜慝大孝堯推讓王

能事斯極振古誰方文明履運車書同軌巍巍赫赫盡善盡美衢
室疑旒大庭端屨釋負之寄事光復子脫屣高天登遐上玄龍湖
超忽象野芊綿遊衣複道薦果初年新廟亦奕明德配天

皇祖宣皇帝酌獻用光大

無射宮舊樂章宣光二宮同用長發其詞亦同開元十年始定宣帝用光大詞更別造

大業龍社徵音駮尊潛居皇德赫嗣天昆屨儀宗祖重誠孝孫春
秋無極享奏存存

又享太廟樂章三首

太樂舊有此詞不詳所起

迎神

黃鐘宮大呂角太簇徵應鍾羽並同此詞

七廟觀德百靈攸仰俗荷財成物資含養道光執契化籠提象肅
肅雍雍神其來享

金奏

無射宮大迎神

肅肅清廟巍巍盛唐配天立極累聖重光樂和管磬禮備蒸嘗永
惟來格降福無疆

送神

五聲備奏三獻終祠車移鳳輦旆轉紅旗禮周籩豆誠效虔祇皇靈徙蹕簪紳拜辭

則天皇后享清廟樂章十首

第一 建清廟贊立功擇吉日展禋宗樂已變禮方崇望神駕降仙宮

第二 隆周創業寶命惟新勅宗茂典爰表虔禋聲明已備文物斯陳肅容如在懇志方申

第三 登歌 肅敷大禮上謁尊靈勅陳筐幣載表丹誠

第四 迎神 敬奠蘋藻式罄虔襟繫誠斯展佇降靈歆

第五 飲福 爰陳玉醴式奠瓊漿靈心有穆介福無疆

第六 送文舞 帝圖草創王業初開功高佐命業贊雲雷

第七 迎武舞 赫赫立功被穹壤皇皇至德洽生靈開基撥亂祆

氛廓佐命宣威海內清

第八 武舞作 荷恩承顧託執契恭臨撫廟略靜邊荒天兵耀神武

第九徹俎

登歌已闋獻禮方周欽承景福肅奉鴻休

第十送神

大禮言畢仙衛將歸莫申丹懇空瞻紫微

中宗孝和皇帝神龍元年享太廟樂章二十首

不詳撰之所出

迎神用嚴

和黃鍾宮三成大呂角三成太簇徵三成應鍾羽二成同用此詞

肅肅清廟赫赫立猷功高萬古化奄十洲中興丕業上荷天休祗奉先構禮被懷柔

皇帝行用昇和 黃鍾宮

顧惟菲薄纂曆應期中外同軌夷狄來思樂用崇德禮以陳詞夕惕若厲欽奉宏基

登歌裸鬯用虔和 大呂均之無射羽

禮標薦鬯肅事祠庭彰申如在敢託非馨

送文舞出迎武舞入用同和 太簇

惟聖配天數盛禮惟天為大闡洪名恭禋展敬光先德蘋藻申虔表志誠

武舞用寧和林鍾

炎馭失天綱土德承天命英猷被寰宇懿躅隆邦政七德已綏邊
九夷咸底定景化覃遐邇深仁洽翔泳

徹俎用恭和大呂均之無射羽

禮周三獻樂闋九成肅承靈福悚惕兼盈

送神用通和黃鍾

祠容既畢仙座爰興停停鳳舉藹藹雲昇長隆寶運永錫休徵
福覃貽厥恩被黎蒸

皇后助享皇后行用正和黃鍾宮詞同貞觀中宮朝會正和

登歌奠鬯用昭和大呂均之無射羽

道洽二儀交泰時休四寓和平環珮肅於庭實鍾石揚乎頌聲

皇后酌獻飲福用誠敬黃鍾

顧惟菲質忝位椒宮虔奉蘋藻肅事神宗敢申誠潔庶罄深衷
醉容有裕靈享無窮

徹俎用肅和大呂均之無射羽

月禮已周雲和將變爰獻其醑載遷其奠明德逾隆非馨是薦

澤露動植仁覃寓縣

送神用昭感黃鍾用

鏗鏘韶護肅穆神容洪規赫赫祠典雍雍已周三獻將垂六龍虔

誠有託懇志無從

玄宗開元七年享太廟樂章十六首精進行尚書左丞相燕國公張說作

迎神用永和三章

肅九室諧八音歌皇慕動神心禮宿設樂妙尋聲明備裸奠臨

律迓氣音入玄依玉几御黼筵聆愾息優周旋九韶遍百福傳

信工祝永頌聲來祖考聽和平相百辟貢九瀛神休委帝孝成

皇帝行用太和一章

時文聖后清廟肅邕致誠勤薦在克思恭玉節肆夏金鏘五鍾繩

編雲步穆穆天容

登歌酌瓚用肅和一章

天子孝享工歌溥將躬裸鬱鬯乃焚管鄉臭以達百聲以求陽奉
時蒸嘗永代不忘

迎俎雍和二章

在滌嘉麥麗碑彰牲角握之牲色純之駢火傳陽燧水漑陰精太
公胖俎傅說和羹俎豆有馥齋盛絜豐亦有和羹既戒既平鼓鍾
管磬肅唱和鳴皇皇后祖來我思成

皇帝酌醴齊用文舞一章

聖墓言九德真言五千慶集昌胄符開章先高文杖鉞克配彼天三
宗握鏡六合渙然帝其承祀率禮罔愆圖書霧出日月清懸舞形
德類詠諡功傳黃龍蜿蜒綵雲躡躡五行氣順八佾風宣介此百
祿於皇萬年

獻祖宣皇帝寔獻用光大之舞一章

肅肅藝祖滔滔濬源有雄玉劔作鎮金門玄王貽緒后稷謀孫肇

禋九廟四海來尊

懿祖光皇帝室真獻用長發之舞一章

具禮崇德備樂承風魏推幢主周贈司空不行而至無成有終神興王業天歸帝功

太祖景皇帝室真獻用大政之舞一章

於赫元命權輿帝文天齊八柱地半三分宗廟觀德笙鏞樂勳封唐之兆成天下君

代祖元皇帝室真獻用大成之舞一章

帝舞季曆龍聖生昌后歌有矯胎炎孕黃天地合德日月齊光肅邕孝享祚我萬方

高祖神堯皇帝室真獻用文明之舞一章

赤精亂德四海困窮黃旗舉義三靈會同早望春雨雲披大風溥天來祭高祖之功

太宗文武聖皇帝室真獻用崇德之舞一章

皇合一德朝宗百神削平天地大拯生人上帝配食單于入臣戎
歌陳舞曄曄震震

高宗天皇帝室真獻用鈞天之舞一章

高皇邁道端拱無爲化懷獯鬻兵賦勾驪禮尊封禪樂盛來儀
合位媧后同稱伏羲

中宗孝和皇帝室真獻用文和之舞一章

退居江水鬱起丹陵禮物還舊朝章中興龍圖友及駿命恭膺鳴
球香瓚大禧是承

睿宗大聖真皇帝室真獻用景雲之舞一章

景雲霏爛告我帝符噫帝冲德與天爲徒笙鏞遙遠俎豆虛無春
秋孝獻迴復此都

又享太廟樂章十四首

玄宗至道大聖大明孝皇帝室真獻用廣運之舞

一章司徒兼中書令汾陽郡王郭子儀撰

於赫皇祖昭明有融惟文之德惟武之功向海靜謐車書混同虔
恭孝饗穆穆文風

肅宗文明武德大聖大宣孝皇帝室奠獻用惟新之

舞一章

吏部尚書平章事
彭城郡公劉晏撰

漢祚惟永神功中興風驅氛祲天覆黎蒸三光再朗庶績其凝重
熙累葉景命是膺

皇帝飲福受脤用福和一章

備禮用樂崇親致尊誠通慈降訥微愛存獻懷稱壽啐感承恩
皇帝孝德子孫千億大包天域長亘不極

送文舞出迎武舞入一章

六鍾翕協六變成八脩倘伴八風生樂九韶兮人神感美七德兮
天地清

亞獻終獻行事武舞用凱安四章

瑟彼瑤爵亞維上公室如屏氣門不容躬禮躬其本樂執其中聖

皇永慕天地幽通禮匝三獻樂遍九成降循軒陛仰歎皇情福與仁
合德因孝明百年神畏四海風行總總干戚填填鼓鍾奮揚增氣坐
作為容離若鷲鳥合如戰龍萬方觀德肅肅邕邕

烈祖順三靈文宗威四海黃鉞誅群盜朱旗掃多罪戢兵天下安
約法人心改大哉干羽意長見風雲在

徹旦登歌一章

上笙磬徹旦邊廓無響官入立主在室神在天情餘慕禮罔愆喜
黍稷屢豐豐年

送神一章

眇嘉樂授靈爽感若來思如往休氣散迴風上返寂寞還惚恍懷
靈駕結空想

代宗睿文孝武皇帝室奠獻用保大之舞一章

尚父郭子儀撰

於穆文考聖神昭彰肅勺群慝含光遠方萬物茂遂九夷賓王惜
惜雲韶德音不忘

德宗神武孝文皇帝室奠獻用文明之舞一章

尚書左丞平章事鄭餘慶撰

開邸除暴時邁勛尊三九告命四極駿奔金枝翠葉輝燭瑤琨象

德億載貽慶湯孫

順宗至德大聖大安孝皇帝室奠獻用大順之舞一章

中書侍郎平章事鄭絪撰

於穆時文受天明命允恭玄默化成理定出震嗣德應乾傳聖猗

歟緝配于億流慶

憲宗聖神章武孝皇帝室奠獻用象德之舞一章

中書侍郎平章事段文昌撰

肅肅清廟登顯至德澤周八荒兵定四極生物咸遂群盜滅息明

聖欽承子孫千億

儀坤廟樂章十二首

迎神用永和林鍾宮

散騎常侍昭文館學士徐彥伯作

猗若清廟肅肅熒熒國薦嚴祀坤興淑靈有乂在室有樂在庭臨

茲孝享百祿惟寧

金奏夷則宮

不詳作者一本無此章

陰靈効祉軒曜降精祥符淑氣慶集柔明瑤俎既列雕桐發聲微
猷永遠比德皇英

皇帝行用太和黃鍾宮

左諭德昭文館
學士丘說撰

孝哉我后冲乎迺聖道暎重華德輝文命慕深視篋情躬撫鏡
萬國移風兆人承慶

酌獻登歌用肅和中呂均之太簇

一云蕤賓均之夾鍾羽太子
洗馬昭文館學士張齊賢作

裸圭既濯鬱鬯既陳畫幕雲舉黃流玉醇儀充獻酌禮盛衆裡
地察惟孝愉焉饗親

迎俎用雍和沽洗羽

大中大夫昭文館
學士鄭善玉作

酌鬱既灌取蕭方藝邊豆靜器簞簋芬醑魚腊薦美牲牲表絜
是戢是將載迎載列

肅明皇后室酌獻用昭升林鍾宮

禮部尚書昭文
館學士薛稷作

陽靈配德陰魄昭升堯壇鳳下漢室龍興俛天作對前旒是凝化
行南國道盛西陵造舟集灌無德而稱我棗既絜我醴既澄陰陰